

新醫學叢書十四種

潛齋醫學叢

書十四種

書十四
集古閣印行

潛齋醫學叢書序

昔天隨子著笠澤叢書凡四卷今潛齋著醫學叢書凡八種猶有未刊可謂夥矣雖然學貴博尤貴精潛齋家故貧少失怙晦跡於醫從父志也名其齋曰潛勵已志也嘗以為醫通天地人非綜覽羣書夜以繼日曷竟其功於是燈然帳內頂為之墨其刻苦蓋如此故出而瘳人疾病則必竭其心思殫其才力一如平日之用功焉然而方圓隨施不拘一家雖淺夫之通言亦必虛中以聽儕輩質疑問難則又知無不言於以數學之無所不貫故能決之而無所不注也聞道以來活人不可以數計而奇險之證奏效尤出人意料其用藥不尚珍貴以靡人財苟能中病雖尋常耳目前之物信手拈來皆成妙用嗚呼不亦精義入神乎哉然不矜其術不恃其奇唯義所適殆所謂道行千里不名一錢者則又其品之不可及歟茲以所評纂之書論斷之語與夫前賢著述訂之而不汲人善良友采輯存之而非居己功凡書八種彙為一帙余既有序之矣復屬為總序可無一言以約略其旨哉夫工於著述者往往泥古而未知通變臨證每致齟齬得行其道者酬應既繁而不遑著述苦無傳書惟潛齋素無嗜好視疾之外輒事討究樂此不疲故時有妙悟觀其立言既無迂曲謬悠之論亦無怪僻膚淺之談挾理雖深準情彌近即不知醫者讀之亦能領解焉且潛齋年尚未艾其所得已如是由斯以往余又惡能測其涯涘耶後有作者沿流

溯源亦尚窺見其苦心孤詣之學而於余言庶幾其不虛也夫
咸豐甲寅一陽來復之日愚弟仁和趙夢齡謹拜撰

潛齋醫學叢書序

唐有陸忠宣宋有范文正為兩朝良相皆通醫理蓋治國活人理原一貫故有不為良相為良醫之言醫道顧不重哉自漢長沙集列聖之大成察微辨證立方著書博大精微統系悠遠後之人沾溉不盡洵萬世師表也名賢繼起沿流討源漸分鴻緒以至各立專科代有高明不無參互迨劉張李朱皆卓然大家而其間論證立方或方隅異宜或貴賤殊體在當時理疾並有奇驗後人憑古書而診今病則頗有不合機宜者此即郭玉所謂神存於心手之際可得解而不可得言醫理微妙固如是也豈可以臆度妄論古人之偏見哉然而醫門之書有日增無日減汗牛充棟收不勝收其間容有僻解偏見誤人不少是宜亟為釐正熱心苦口振聵警聵不免大聲疾呼矣 聖朝之初吳中葉氏香巖統率正宗獨見其大富有成書而發揮一種尤為深切痛快徐氏洄溪學窮萬卷守正獨真力刻流弊著書六種兩先生述作具在信暗室之燈也今吾潛齋先生天分絕人具慈良之性秉明妙之心而於古人之書罔不貫注披往籍則識見獨超理時證則靈機畢集其於診脈辨證洞徹病原而因證發明類多新義迥出前人意表者至於溫暑客氣尤為剖晰精詳於古人混淆臺合之處無不指摘分明如鄒嶧之拒楊墨昌黎之闢佛老其有功來學顧不偉歟前者同好諸君子采刊醫案久已風行海內今年春復將先生手輯之書彙集

八種續付制氏顏曰潛齋醫學叢書皆獨得精華嚴茂校葉其中靈通微妙時見一斑具不可思議之妙用真可謂不恨我不見古人恨古人不見我者綱舊讀先生書而嚮往數年深漸學識固陋不敢妄贊一詞然仰慕之私自不能已既後患腰足痺痛遷延日久疾幾成痼得先生探源竟委之治而厥疾頓起其案已列三編茲得窺全豹倍益服膺因識數行以銘高厚竊恐輕塵補葺來不自量之謂耳

咸豐四年甲寅仲冬秀水屏教弟呂大綱慎齋氏拜手書

言醫選評小引

言醫一書 國初時海甯裴氏兆期所著康熙間錢塘高士宗醫學真傳曾論及之則彼時必有刊本迨後湮沒失傳故道光間震澤吳子音於三家醫案例言後有續刊此書之語惜子音尋逝竟未重鐫往歲定州楊素園明府囑購醫林遺帙余浼人往蘇蒐訪得其原稿讀之雖辦香醫貴而識見實超出於趙氏更有先言余之所欲言者遂忘固陋選而評之郵質楊侯極蒙許可且命授梓以公於世云

咸豐元年春王正月邑人王士雄書於重慶堂

中華民國六年仲夏月下澣南通陳月亭書於靜室齋

卷之八

卷之八

卷之八

卷之八

卷之八

卷之八

卷之八

卷之八

集古閣重刊潛齋醫學叢書十四種序

王君孟英。系出安化。籍隸鹽官。自乾隆間。其曾祖東衡公。携其眷屬。僑居於杭之錢塘。治家嚴肅。門無雜賓。祖永嘉公。天性純孝。著於鄉里。父黈滄公。少有祖父風。俞桂庭先生慕其孝友。以四埶為其室。踰年值東衡公古稀。而黈滄公前舉之三男皆殤。至嘉慶十三年三月五日。又舉一男。即孟英先生是也。時東衡公喜曰。此兒與祖同甲子。必得錢祖之壽。因命其小字曰錢龍。即於是年著醫學隨筆一書。或抒心得。或採前言。書未脫稿。而公考終。永嘉公皓首居憂。孺慕猶切。輯注未竟。遂擣疾。服闋後兩載亦謝世。黈滄公校定遺稿。意欲授梓。詎天奪其年。以四十九歲即捐館舍。天之報施。不可問也。時道光紀元。孟英年甫十四。泣而告其母舅云。先人遺訓。期甥於世有所用。而曾王父於生甥之日。即著醫書一種。夫用於世者。莫如醫。甥敢不專心致志。以究其學。第義理淵深。欲埋首十載。而以家事累吾舅可乎。其舅聞而喜曰。汝志如是。汝父不死矣。吾豈敢辭耶。遂諾之。並賜其齋曰潛。囑潛心學問。勿以內顧為憂。憶先生天資穎異。幼即超羣。於是足不出戶庭者十年。手不釋卷者永夜。不問外事。擯棄一切。人或以癡目之。因自號半癡山人。始終未展其志。而臨證頗肯用心。屢起大症。無算皆錄醫案。於是聲名鵲起。如先王者。可謂不負遺訓者矣。至道光十七年。江浙霍亂大行。先生遂作霍亂論。書成。經海豐張柳吟先生閱定。十八年五月。王仲安先生梓而行之。道光三十

年庚戌張柳吟先生所註徐氏醫碁亦加評付刊。又校刊沈堯封先生之女科輯要書中附有發明處甚多。咸豐九年先生刊行選評雙一中言醫一書是年又輯正續名醫類案之魏氏按語及附方。先生增以評註名曰柳州醫話亦於十一月刊行。又刊史縉臣願體醫話是書由先生母舅俞桂庭先生增補諸方。經先生發明益見精確。咸豐二年先生目擊時醫治溫熱之非於是輯溫熱經緯五卷復經楊氏素園汪氏曰慎評註發明至五年五月刊行於世。咸豐三年春金陵失守杭城亦危先生閉戶讀書常嘆俗醫治病之弊復輯者潛齋醫話及簡效方以行世。又選俞氏古今醫案之按語缺者補之畧者詳之義理未明者發明之輯為四卷。咸豐四年續集四科簡效方及蓬窗錄驗方以補前刊潛齋簡效方之缺畧。咸豐五年評註東衡公遺著之重慶堂隨筆校刊行世。是年冬携眷回籍息影窮鄉賃屋而居。顏其草堂曰歸硯先生自失怙後即携一硯而遊在苒三十餘年僅載一硯歸籍遊時偶有所錄積成四卷題曰歸硯錄。庚申春於杭省刻竣而杭垣失守杭人多遷避有胡友榮甫者挈板寄先生時亦未及脩校至同治元年始校竣印行。咸豐十一年秋海昌勢日蹙不克守先人邱壟始別兩弟携妻孥移遷於濮院值此亂離靡定之際因自題所居曰隨息且改字曰夢隱。是時草飲食譜兩卷以寓憾慨。季冬杭垣復陷海昌亦潰同治元年夏間避地申江妻孥踵至僦屋歇黃浦西仍曰隨息居適上海霍亂大行司命者罔知所措死亡實多元和金君

蘆齋惻然傷之。徧搜坊間霍亂論而不能得。聞先生踪跡在滬。即來與先生訂交。并求先生重訂是書。以為登高之呼。踰兩月。金君亦以此證遽逝。先生感此。則重訂之舉。益不容已。書成題曰重訂霍亂論。首病情。次治法。次醫案。次藥方。凡四篇。即近刊王氏五種內之霍亂論是也。惟潛齋十種總目內。有未刊聖濟方選無卷數。未識集於何時。無從可考。炳章徧訪同志。皆未見是書。且未分卷數。或疑其未成書也。餘如先生醫案。則仿編年之例。如醫案初編。采自道光甲申迄癸卯。僅分二卷。續編自甲辰至庚戌。則分八卷。上兩種。楊氏初刻於江西。繼刊於江浙。久已膾炙人口。惟三編自庚戌至咸豐甲寅。則分三卷。其四編自乙卯至丁巳。即歸硯錄卷四是也。此二種除潛齋原刻本外。另無翻刻印本。又有蓬窗錄驗方二卷。據先生歸硯錄云。已由蔣生沐廣文見而善之。梓入彙刊經驗方矣。惟余僅見雞鳴錄摘錄喉症方之一斑。惜未窺全豹耳。自先生著書行世。或已刊行。或未付印。至今年未踰週甲。除王氏五種坊版流行海內外。而潛齋原刻十種。因疊遭兵燹。損失無存。民國紀元。李君鍾珏。在軍書旁午時。能校刊潛齋八種。付活字版印行。熱心可嘉。惜書印無多。不久售罄。後學索購者。仍不能應求。民國六年冬。余偶在舊書肆。復得潛齋十種。較李氏排印本。增醫案三編。歸硯錄二種。炳章益增以古今醫案按選。併四科簡效方。及醫案正續編。合為一十四編。校讐既竣。即付石印。庶幾先生專心積學。埋首十年之苦志。得以廣流傳於萬世。此則炳章增刊先

生遺書之微旨也夫。

民國七年三月四明後學曹炳章序

水北老人遺稿

重慶堂隨筆

周天鵠書

伊爾敏子爾敏

吳品教人

集古閣重刊潛齋醫學叢書十四種總目

四明 曹炳章亦電氏校刊

重慶堂隨筆二卷

王東衡著
王士雄註

徐氏醫砭一卷

徐靈胎原著

張柳吟註
王士雄評

言醫選評一卷

裴一中著
王士雄評

顧體醫話一卷

史縉臣著

俞桂庭補
王士雄評

柳洲醫話一卷

魏玉橫著
王士雄註

潛齋簡效方一卷

醫話附

王士雄著

四科簡效方四卷

王士雄輯

霍亂論二卷

王士雄輯

女科輯要二卷

沈堯封原著

徐政素註
王士雄評

古今醫案按選四卷

俞東扶著
王士雄評

王氏醫案初編二卷

王士雄著

王氏醫案續編八卷

王士雄著

王氏醫案三編三卷

王士雄著

王氏歸硯錄四卷

王士雄著

四庫全書
書目表